

Script Of Evening Gojri News Bulletin 04 June 2024 at 1700 Hrs

ایوننگ گو جری نیوز بلیٹن مورخہ 04 جون 2024

یوہ آکا شوانی جموں بے مشرف عظیم تے خادم حسین تیں خبر سنو۔ پہلاں خاص خاص خبر۔

* 1۔ بی جے پی غی زیر قیادت این ڈی اے لوک سبھا چناؤ مانہ اکثریت آلیے پاسے گا مزن اور انڈیا بلاک یوپی مانہ بہترین کا رکردگی سنگ مضبوط مقابلو کر رہیو ہے۔

* 2۔ اڈھم پور پا رلیمانی نشست تیں مرکزی وزیر ڈاکٹر جتندر سنگھ کا نگریش غا امید وار لال سنگھ تیں آگے چل رہیا ہیں جد کہ جموں پا رلیمانی نشست تیں بی جے پی امیدوار جگل کشور کا نگریش امید وار رمن بھلا تیں آگے چل رہیا ہیں۔

* 3۔ اننت ناگ راجوری پا رلیمانی نشست تیں نیشنل کا نفرنس غا امید وار میاں الطاف احمد محبوبہ مفتی غا مقابلہ مانہ آگے چل رہیا ہیں جد کہ با رہمولہ نشست تیں آزاد امید وار انجینئر رشید عمر عبداللہ غا مقابلہ مانہ آگے چل رہیا ہیں۔

* 4۔ جموں کشمیر غا کُجھ اک مقامات ور درجہ حرارت مانہ باہدو درج کیو گیو ہے تے کئی مقامات ور بارش غی پیشنگوی کی گئی ہے۔

خبریں غی تفصیل نال پہلاں خادم حسین۔

NDA Results

بی جے پی غی زیر قیادت آلی این ڈی اے لوک سبھا مانہ اکثریت آلیے پاسے گا مزن ہے ور 2019 غا مقابلہ مانہ سیٹاں غی تعداد مانہ کمی آئی ہے۔ اُتے حذب اختلاف انڈیا اتحاد نے بہترین کا رکردگی غو مظاہرو کیو ہے۔ 7 مرحلاں مانہ ہوا لوک سبھا غا چناؤ غی آج گنتی چل رہی ہے جس غا نتیجہ مانہ بی جے پی اڑیشہ اور آندھرا پر دیش مانہ بہترین کا رکردگی کر رہی ہے۔ ور اُتر پردیش، راجستھان اور ہریانہ جیسی اہم ریاستاں مانہ بی جے پی نانہ نقصان چانو پیو ہے۔ اور اس طرح مرکزی وزیر سمریتی ایرانی، مینکا گا ندھی اور آجے کمار تینی جیسا بڑا لیڈر گنتی مانہ پچھے چل رہیا ہیں۔ چناؤ کمیشن غا اعداؤ شمار غے مطابق این ڈی اے نے 3 سیٹاں ور جت حاصل کی ہے اور 296 ور آگے چل رہی ہے۔ انڈیا اتحاد 299 ور آگے چل رہی ہے۔ اور دیگر 18 ور آگے چل رہیا ہیں۔ اس سلسلہ مانہ پارٹی وار رجحانات غے مطابق بی جے پی نے 20 سیٹاں ور جت حاصل کی ہے اور 224 ور آگے چل رہی ہے۔ کانگریس نے 4 ور جت حاصل کی ہے اور 94 سیٹاں ور آگے چل رہی ہے۔ سماج وادی پارٹی نے 34 سیٹاں ور آگے چل رہی ہے۔ آل انڈیا ترنمول کانگریس 29 سیٹاں ور آگے چل رہی ہے۔ ڈی ایم کے 22 ور آگے چل رہی ہے۔ ٹی ڈی پی 16 سیٹاں ور آگے چل رہی ہے۔ جے ڈی یو 13 سیٹاں ور آگے چل رہی ہے۔ شیو سینا اڈھو بالا صاحب ٹھاکرے اک سے ور جت اور 1 ور آگے چل رہی ہے۔ این سی پی نے اک سیٹ ور جت کی ہے۔

JK Counting Coverage

دوہزار 24 لوک سبھا چناؤ غی گنتی چل رہی ہے ابتدائی نتائج غے مطابق جموں غی 2 سیٹاں ور بی جے پی جد کہ کشمیر غی 2 سیٹاں ور نیشنل کا نفرنس آگے چل رہی ہے۔ جموں کشمیر اعلیٰ چناؤ افسر غی طرفوں جاری کر دہ شمار غے مطابق نیشنل کا نفرنس سرینگر اور اننت ناگ راجوری سیٹ تیں جد کہ بی جے پی جموں اور اڈھم پور سیٹ تیں

اگے چل رہی ہے۔ شمار غے مطابق با ریمولہ نشست تیں آزاد امید وار انجینئر رشید نیشنل کا نفرنس غا نائب صدر عمر عبداللہ غے مقابلے مانہہ اگے چل رہیا ہیں۔ پیپلز کا نفرنس گا صدر سجاد غنی لون تیجا مقام ور چل رہیا ہیں۔ اس سلسلہ مانہہ با ریمولہ سیٹ تیں عمر عبداللہ نے اپنی بار قبول کرتاں وان سماجی ذرائع ابلاغ ور انجینئر رشید ناتہہ مبارک با د پیش کی ہے۔ اننت ناگ راجو ری پارلیمانی نشست تیں نیشنل کا نفرنس غا امید وار میان الطاف پی ڈی پی صدر محبوبہ غا مقابلہ مانہہ اگے چل رہیا ہیں۔ جد کہ سرینگر نشست تیں این سی امید وار آغا سید رابواللہ پی ڈی پی امید وار وحید پرا غا مقابلہ مانہہ اگے چل رہیا ہیں۔ اس سلسلہ مانہہ اننت ناگ راجو ری سیٹ تیں سابقہ وزیر اعلیٰ محبوبہ مفتی نے لوکاں غا فیصلہ غو استقبال کرتاں وان میان الطاف ناتہہ ان غی کامیابی واسطے مبارکباد پیش کی ہے۔ اس تیں علاوہ اڈھم پور نشست تیں مرکزی وزیر ڈاکٹر جتندر سنگھ کا نگرینس غا امید وار لال سنگھ غا مقابلہ مانہہ اگے چل رہیا ہیں جد کہ جموں تیں بی جے پی امید وار جگل کشور شرما کا نگرینس امیدوار رمن بھلا تیں اگے چل رہیا ہیں۔ اس سلسلہ مانہہ کٹھوعہ توں مہارا نامہ نگار پردیپ شرما نے اس طرح کہیو۔۔۔

Counting Jammu

اج جموں ریاسی پارلیمانی نشست غی گنتی جموں مانہہ پا لی ٹیکنک کالج بکرم چوک اور ایم اے ایم کالج مانہہ ہو رہی ہے۔ اور صوبہ جموں غی دوہاں نشستان تیں بی جے پی غا امید وار اگے چل رہیا ہیں۔ ضلع مانہہ امن برقرار رکھن واسطے ضلع میجسٹریٹ جموں سچن کمار ویشے غی طرفوں گنتی مراکز غا احاطہ مانہہ دفعہ 144 نافذ کیو گیو ہے۔ اس سلسلہ مانہہ آکا شوانی غا نامہ نگار سنگ گل کرتاں وان بی جے پی لیڈر جگل کشور شرما نے اس طرح کہیو۔۔۔ بائٹ۔۔۔

Migrant Votes Counting

کشمیری مائیگریٹ ووٹراں غا 3 پارلیمانی حلقاں غا ووٹاں گی گنتی اڈھم پور مانہہ بھارتیہ چنواؤ کمیشن غی خاص نگرانی تے سخت حفاظتی بندوبست مانہہ ہو رہی ہے۔ اس طرح با ریمولہ نشست غا ووٹاں غی گنتی سویرے ہی شروع ہو گئی تھی جد کہ سرینگر، اننت ناگ راجو ری پونچھ غا ووٹاں غی گنتی مکمل کر غے نتا نچ اپنا اپنا گنتی آلا مرکزان در آئندہ ترتیب واسطے بھیج دتا جس مانہہ با ریمولہ حلقہ غا 104 ووٹ، سرینگر حلقہ غا 160 ووٹ جد کہ اننت ناگ راجو ری پونچھ حلقہ غا 3 سو 28 ووٹ پول ہوا تھا۔ مہارا آکا شوانی غا اڈھم پور آلا نامہ نگار نے اس بارے اس طرح دسیو۔۔۔ بائٹ۔۔۔

یہ خبر تم آکا شوانی جموں تیں سن رہیا ہیں خبران غا باقی حصہ نال مشرم اعظم۔

Weather

جموں کشمیر مانہہ گذشتہ رات غا درجہ حرارت مانہہ باہدو درج کیو گیو ہے۔ اس طرح محکمہ موسمیات نے پیشنگوئی کی ہے جے آئندہ چند دنان غے دوران کجھ مقامات ور بلکی تیں درمیانہ درجہ غی بارش نال موسم مانہہ جزوی طور ور بدلاؤ غو امکان ہے۔ محکمہ موسمیات غا اک عہدیدار غے مطابق 7 جون تک آسمان مانہہ جزوی طور بدل چھایا رہیں گا بلکہ کجھ جگہاں ور لوہکا توں درمیانہ درجہ غی بارش ہون غو امکان ہے جد کہ کجھ مقامات ور تیز ہوا چلن غو وی امکان ہے۔ اس ضمن مانہہ محکمہ نے کاشتکاران

نانہ مشورو دتو بے جے وے 5 جون تیں 6 جون بشکار اپنا کم کاج کرن توں گریز کریں۔

Fire Incident

جموں خطہ غا 6 ضلعان مانہہ کئی سارا جنگلاں تے شہری علاقان مانہہ آگ زنی غا کئی واقعہ پیش آیا ہیں۔ آکا شوانی جموں غا نامہ نگار غی رپورٹ غے مطابق آگ زنی غا ان واقعات مانہہ کسی قسم غا جانی نقصان غی کوئی اطلاع نہیں ہے۔ یہ واقعات ضلع جموں، ادھمپور، ریا سی، راجو ری، کٹھوعہ تے پونچھ مانہہ پیش آیا ہیں۔ پونچھ ضلع مانہہ اتوار غی رات نانہہ قبضہ لکیر غے کول کال آگ پھیل گئی جس نال سلوتری غا آگلا علاقہ مانہہ کئی ساری بارودی سرنگ پھٹ گئیں۔ آگ غا تیز شولاں نانہہ بغیر کسی جانی نقصان غے قابو مانہہ کر ليو گيو۔ ریا سی ضلع مانہہ 3 بکھ بکھ جنگلاں آدھ کوواری، بیڈا، مردی علاقان مانہہ آتشزدگی غا واقعہ پیش آیا ہیں جس نانہہ ہن بجھا دتو گيو ہے۔ لمبی کیری آدھ کواری حصہ ور آگ زنی غا واقعہ غی وجہ سنگ کجھ وقت واسطے شری ماتا ویشنو دیوی غی یاترا متاثر ہوئی۔ راجو ری ضلع مانہہ ڈونگی، گراتی، ہن گئی، تتا پانی، کالا کوٹ دھنور گا جنگلاں مانہہ آگ لگ گئی جس غا نتیجہ مانہہ جنگلات نانہہ نقصان پُجيو ہے۔ پونچھ ضلع غا چلاس علاقہ مانہہ مذکورہ واقعہ مانہہ اک سکول شیڈ نانہہ نقصان پُجيو ہے۔ ایان کٹھوعہ ضلع غا رام کوٹ تے بسوبلی علاقہ غا جنگلاں مانہہ وی آتشزدگی غا واقعہ پیش آیا ہیں۔ اسے طرح ادھم پور ضلع غا رام نگر جنگلات ڈویزن مانہہ آگ زنی گا واقعہ پیش آیا ہیں۔ جموں غا مضافاتی علاقہ رگوڑہ مانہہ وی کافی آگ پھیل گئی جس نانہہ بجھایو گيو ہے۔ اجاں توڑی اس واقعہ میں کسے جانی نقصان غی کوئی اطلاع نہیں ہے۔

Poonch Election

ضلع پونچھ مانہہ حفاظت پارے کڑا انتظامات کیا گیا ہیں جد کہ ووٹان غی گنتی غا نتیجہ رجحانات پارے پورا ضلع مانہہ حفاظت غا بڑا پیمانہ ور بندو بست کیا گیا ہیں اس ضمن مانہہ انتظامیہ تے حفاظتی ایجنسیاں نے لوہکی تقریبات پارے حفاظت غا مناسب بندو بست وی کر رکھیا ہیں۔ اس پارے پیش بے مہارا ضلع پونچھ غا نامہ نگار انویہو مصری غی یاہ رپورٹ... پانٹ۔

Akashwani

آکا شوانی غی طرفوں آئی سی سی ٹی ٹوانٹی عالمی کپ 2024 جہیزو جے امریکہ تے ویسٹ انڈیز مانہہ ہو ریو بے آس گی برائے راست کمنٹری نشر کرے گو۔ جس مانہہ بھارت غا تمام میچ، سیمی فائنل تے فائنل مقابلان کی کمنٹری شامل ہے۔ کمنٹری تیں علاوہ کئی زبانان مانہہ میچ تیں پہلاں پروگرام وی نشر کیا جائیں گا۔ اس تیں علاوہ ڈی ڈی سپورٹس ور وی یہ میچ دسیا جائیں گا۔

اس غے نال ہی خبراں غو یوہ بلیٹن ختم ہوؤ۔